

# Մեսխեթցի թուրքերի հիմնախնդրի դրսևորումները Ռուսաստանի Դաշնության քաղաքականության և ռուս-վրացական հարաբերությունների համատեքստում

Գալոյան Կ.Ա.

ՀՀ ԳԱԱ Արևելագիտության ինստիտուտ (Հայաստան, Երևան)  
karogaloyan@gmail.com

**Վճռորոշ բառեր՝** մեսխեթցի թուրքեր, հայրենադարձություն, Ռուսաստանի Դաշնության քաղաքականություն, ռուս-վրացական հարաբերություններ, Հայաստանի շահեր

## *Проявление проблемы месхетинских турок в контексте политики Российской Федерации и русско-грузинских отношений*

Галоян К.А.

Институт востоковедения НАН РА (Армения, Ереван)  
karogaloyan@gmail.com

**Резюме:** В статье рассматривается и анализируется политика России в отношении проблемы месхетинских турок и ее проявление в русско-грузинских отношениях. Выявляя интересы и позиции Москвы, автор сравнивает их совместимость с геополитическими интересами Армении, что может быть полезным для формирования мнения экспертного сообщества в кризисной ситуации.

**Ключевые слова:** месхетинские турки, репатриация, политика России, русско-грузинские отношения, интересы Армении.

## *The issue of the Meskhetian Turks in the context of the policy of the Russian Federation and relations between Russia and Georgia*

Galoyan K.

The Institute of Oriental Studies NAS RA (Yerevan, Armenia)  
karogaloyan@gmail.com

**Abstract:** This article examines and analyzes Russia's policy regarding the issue of the Meskhetian Turks and its manifestation in the relations of Russia and Georgia. Educing interests and positions of Moscow, the author compares their compatibility with geopolitical interests of Armenia. This article may be useful to form an opinion of expert community in a crisis situation.

**Keywords:** the Meskhetian Turks, repatriation, policy Russia, Russian-Georgian relations, interests of Armenia.

### Ներածություն

Մեսխեթցի թուրքերի էթնոկրոնական խումբը կազմավորվել է պատմական Մեսխեթի շրջանում (Ժամանակակից Մամգիսեի տարածքը): Այստեղից էլ ծագում է նրանց ներկայիս անվանումը, որը հաճախակի հանդիպում է գիտական գրականության մեջ: Իրենց ինքնանվանումն է «ահրսկա թուրքեր» (ahiska türkleri), որը թարգմանվում է որպես «ախալցիխեի թուրքեր» Ախալցիխեի շրջանի անվանումից: Մեսխեթցի թուրքերը սունի մահմեդականներ են և խոսում են թուրքերենի արևելաանատոլական բարբառներից մեկով:

1944թ. նոյեմբերին ԽՍՀՄ Պաշտպանության Պետական Կոմիտեի հրամանով մեսխեթցի թուրքերին քրդերի և մահմեդական համալսարանների (հեմշինների) հետ միասին Վրաս-

տանից արտաքսեցին կենտրոնական Ասիայի երկրներ (Ուզբեկստան, Ղազախստան, Դրոգստան): Արտաքսվածների ընդհանուր թիվը մոտ 90 հազար էր<sup>1</sup>: Ի տարբերություն մյուս արտաքսված ժողովուրդների, 1956թ. մեսխեթցի թուրքերին չթույլատրվեց վերադառնալ իրենց նախկին ապրելավայրերը: 1989թ. Ուզբեկստանում տեղի ունեցան Ֆերգանայի ջարդերը, որոնք ուղղված էին մեսխեթցի թուրքերի դեմ, որից հետո նրանց Վրաստան վերադառնալու խնդիրը դարձավ էլ ավելի արդիական: Մեսխեթցի թուրքերի հարցը սուր զարգացում ստացավ նաև Ռուսաստանում: Ներկայումս մեսխեթցի թուրքե-

<sup>1</sup> Бугай Н.Ф., Турки из Месхетии: долгий путь к реабилитации (1944–1994). Москва, Изд. дом «РОСС», 1994, с. 76–77.

րի հիմնախնդրի տակ ընկալվում են նրանց Վրաստան վերաբնակեցնելու, բնակության վայրերում հասարակությանն ինտեգրվելու և դրանից բխող մի շարք այլ սոցիալ տնտեսական բնույթի հարցերը:

Մեսխեթի թուրքերի հայրենադարձության հարցը որոշակի դեր է խաղում տարածաշրջանում Ռուսաստանի քաղաքականության պարագայում և Վրաստանի հետ նրա հարաբերություններում: Այն շոշափում է նաև Հայաստանի անվտանգության շահերը, քանի որ Մամգիսե-Ջավախեթին ունի կարևոր ռազմաքաղաքական նշանակություն մեր երկրի համար: Այդ պատճառով տվյալ բազմակողմանի հարցի ուսումնասիրումը խնդրի սրացման դեպքում, կարող է օգտակար լինել Հայաստանի ճիշտ դիրքորոշման համար:

#### **Ռուսաստանի Դաշնության քաղաքականությունը մեսխեթի թուրքերի նկատմամբ**

Դեռևս Խորհրդային Միության փլուզումից առաջ մեսխեթի թուրքերի փոքրաթիվ մասը կենտրոնական Ասիայի հանրապետություններից սկսեցին տեղափոխվել Ռուսաստանի տարածք<sup>2</sup>: Ֆերգանայի դեպքերից հետո խորհրդային իշխանությունները որոշում ընդունեցին կազմակերպված ձևով 16 հազար մեսխեթի թուրքերի վերաբնակեցնել Բելգորոդի, Վորոնեժի, Կալինինի, Կուրսկի, Օրլովի և Մոլդենսկի շրջաններում<sup>3</sup>: Սակայն իրականում վերաբնակեցվողների քանակը մի քանի անգամ ավել էին: Կյանքի ոչ բարենպաստ պայմանները ստիպեցին նրանց որոշ մասին տեղափոխվել Հյուսիսային Կովկաս, Ուկրաինա և Ղազախստան: Որոշ տվյալներով կենտրոնական Ռուսաստանում բնակվում են 17 հազար մեսխեթի թուրքեր<sup>4</sup>: Հյուսիսային Կովկասում մեսխեթի թուրքերը բնակություն հաստատեցին այն վայրերում, որտեղ մինչ այդ ապրել էին հայրենադարձված Ղրիմի թաթարները և հույները, այսինքն, Ապշերոնսկի, Բելոբեյենսկի, Ղրիմի և Աբինսկի շրջաններում: Սակայն, տեղական իշխանությունների

կողմից մշտական գրանցման իրավունքի և վերաբնակեցման հատուկ ընթացակարգի փոփոխումը, որը նաև ուղղված էր Ադրբեջանից հայ փախստականների դեմ, վատթարացրեց մեսխեթի թուրքերի կացությունը:

1991թ. ապրիլին ՌԽՖՍՀ Գերագույն Խորհուրդը ընդունեց «Բռնաճնշված ժողովուրդների իրավունքների վերականգնման մասին» օրենք<sup>5</sup>: Օրենքում սահմանվում էր բռնաճնշված ժողովուրդներ եզրույթի նշանակությունը և քննադատվում բռնաճնշումներն իրականացնելու համար ընդունված իրավական ակտերը: Սակայն պետք է նշել, որ օրենքում այդ ժողովուրդները ներկայացված էին հավաքական անվան տակ և որևէ էթնիկ խմբի անուն չէր հիշատակվում, ինչի պատճառով էլ պարզ չէր, թե որ էթնոսներին էր այն վերաբերվում: Գործնականում, այդ օրենքը և նրանից բխող այլ որոշումները վերաբերվում էին միայն ՌԴ տարածքից կամ նրա տարածք տեղահանված ժողովուրդներին և չէին տարածվում մեսխեթի թուրքերի նկատմամբ<sup>6</sup>:

1991թ. ընդունվեց նաև «Քաղաքական բռնաճնշումների ենթարկված անձանց իրավունքների վերականգնման մասին» օրենք<sup>7</sup>, որը տարածվում էր նաև խորհրդային իշխանությունների կողմից բռնաճնշումների ենթարկված ՌԴ տարածքում բնակվող անձանց, իսկ օրենքի 11 և 12 կետերի համաձայն՝ նաև այլ միութենական հանրապետություններում բռնաճնշումների ենթարկված անձանց վկայող փաստաթղթեր ստացած անձանց նկատմամբ: Փաստորեն մեսխեթի թուրքերն անհատականորեն ճանաչվում էին որպես բռնաճնշումների ենթարկված անձիք, սակայն որպես հավաքական խումբ՝ ոչ: Այս երկակի իրավիժակը երկար չշարունակվեց և հետագայում մեսխեթի թուրքերին դադարեցին տրամադրել համապատասխան փաստաթղթեր նաև անհատական դիմումների հիման վրա<sup>8</sup>:

<sup>2</sup> Осипов А.Г., Ферганские события: конструирование этнического конфликта - <http://igpi.ru/info/people/osipov/1172304934.html> (12.01.2019).

<sup>3</sup> Симоненко В.А., Месхетинские турки: историческая судьба и проблемы культурной адаптации, дис. канд. ист. наук., Краснодар, 2002, с. 108.

<sup>4</sup> დეპორტირებული მესხები: ფერგანამდე და უკან - <http://www.tabula.ge/ge/story/54490-deportirebuli-mesxebi-ferganamde-da-ukan> (12.01.2019).

<sup>5</sup> Закон РСФСР о реабилитации репрессированных народов - [http://pravo.gov.ru/proxy/ips/?docbody=&link\\_id=15&nd=102011245](http://pravo.gov.ru/proxy/ips/?docbody=&link_id=15&nd=102011245) (20.03.2019).

<sup>6</sup> Усманов А.О., К вопросу о конституционно-правовой реабилитации месхетинских турок: политико-правовой аспект// Гуманитарные и юридические исследования, 2017, №3, с. 160-161.

<sup>7</sup> Закон РФ «О реабилитации жертв политических репрессий» - <http://pravo.gov.ru/proxy/ips/?docbody=&nd=102012774> (20.03.2019).

<sup>8</sup> Усманов А.О., նշվ. աշխ., с. 161.

1994թ. ՌԴ նախագահի հրամանագրով ստեղծվեց մեսխեթցի թուրքերի խնդիրների լուծման համար դաշնային կառավարական հանձնաժողով, որը բանակցություններ էր վարում Վրաստանի իշխանությունների հետ մեսխեթցի թուրքերին Վրաստան վերադարձնելու նպատակով, սակայն որևէ կոնկրետ համաձայնություն ձեռք բերելու և առանց որևէ որոշում կայացնելու, հանձնաժողովն արձակվեց: 1998-2002թթ. հանձնաժողովը վերսկսեց իր աշխատանքը: Այս անգամ ևս որևէ էական տեղաշարժ չգրանցվեց, իսկ որոշ հետազոտողներ նաև նշում են, որ հանձնաժողովը հարցը դիտարկում էր զուտ որպես անվտանգության և միջազգային հարաբերությունների, այլ ոչ թե սոցիալական ինտեգրման և մարդու իրավունքների պաշտպանության հարթակում<sup>9</sup>:

1996թ. մեսխեթցի թուրքերի հիմնախնդրի լուծման գործընթացին միացան նաև միջազգային կառույցները, մասնավորապես, ՄԱԿ-ի Փախստականների հարցերով գերագույն հանձնակատարի գրասենյակը և ԵԱՀԿ-ն: Մի քանի տարի շարունակ կազմակերպվեցին Վրաստանի, ՌՖ-ի, Թուրքիայի, Ադրբեջանի, ԱՄՆ-ի և Ուկրաինայի մեսխեթցի թուրքերի ներկայացուցիչների մի շարք հանդիպումներ: 1999 թ. մարտին Վիեննայում կայացած ոչ պաշտոնական խորհրդակցություններում քննարկվեց նաև Կրասնոդարի երկրամասում մեսխեթցի թուրքերի կարգավիճակը: Ռուսաստանի Դաշնության ազգային քաղաքականության առաջին փոխնախարար Կ.Մ. Ցագոլովը հայտնեց պաշտոնական դիրքորոշում, նշելով, որ մեսխեթցի թուրքերի խնդիրը միայն նրանց Վրաստանում վերաբնակեցնելու պայմանների բացակայության մեջ է: Նա նաև հայտարարեց, որ մեսխեթցի թուրքերը Ռուսաստանի Դաշնությունում ժամանակավոր բնակիչներ են և առանձին ներքին հակամարտությունները համակարգային բնույթ չեն կրում ու նրանց իրավունքների խախտում չեն համարվում<sup>10</sup>: ՌԴ իշխանությունն այս դիրքորոշումը շարունակեց պահպանել նաև հետագա տարիներին, իսկ մեսխեթցի թուրքերին ՌԴ քաղաքացիության շնորհման հարցում երկրի քաղաքականությունը փոփոխություն չկրեց:

Կրասնոդարի երկրամասում տեղական իշխանությունները նրանց վերաբերվում էին չափազանց սառը<sup>11</sup>:

Կրասնոդարի շրջանում մարդու իրավունքների խախտումները շարունակեցին մնալ միջազգային կառույցների ուշադրության կենտրոնում, որոնց ջանքերով հարցը պարբերաբար բարձրացվում էր տարբեր մակարդակներում: Արդյունքում 2004թ. մարտին Ռուսաստանում ԱՄՆ-ի դեսպանատունը պաշտոնապես հայտարարեց մեսխեթցի թուրքերի Նահանգներում վերաբնակեցման ծրագրի գործընթացի սկսման մասին<sup>12</sup>: Ռուսական կողմը չխոչընդոտեց Միացյալ Նահանգներում նրանց վերաբնակեցմանը, նույնիսկ կողմ էր այդ գաղափարին: Մինչև 2007 թվականը ներկայացվել էր ավելի քան 21 հազար դիմում, որոնցից մոտ 15 հազար մարդ ստացել է բավարար պատասխան<sup>13</sup>: Նրանք տեղավորվեցին 33 ԱՄՆ-ի նահանգներում<sup>14</sup>:

2010թ. տվյալներով Ռուսաստանում ապրում էին 72 հազար մեսխեթցի թուրքեր, սակայն նրանցից քաղաքացիություն ունեին միայն 4825-ը<sup>15</sup>: Այս տվյալները վկայում են, որ մեսխեթցի թուրքերի նկատմամբ ՌԴ իշխանությունների վարած քաղաքականությունը շարունակվեց նաև հետագա տարիներին, թեև քաղաքակցիություն ստացողների թիվը հետզհետե աճեց<sup>16</sup>: Կարելի է ենթադրել, որ ՌԴ իշխանությունների նման քաղաքականությունը կապված էր, առանց այդ էլ բարդ էթնամշակութային պատկեր ունեցող Հյուսիսային

<sup>11</sup> **Swerdlov S.**, Reflections on Transitional Minorities and Human Rights Meskhetians and Hemshins in Georgia and Krasnodar // *Anthropology, Minorities, Multiculturalism*, Krasnodar, 2004, №5, p. 26.

<sup>12</sup> **Гаджиев А.**, Ахалцихские турки: история, этнография, фольклор // *ИРС Наследие*, 2007, №2 (26), с. 12.

<sup>13</sup> **Osipov A.**, Recent Developments Concerning the Meskhetian Turks in Krasnodar Krai. 2006-2007 // *Human Rights Centre "Memorial"*, Russia, 2007 - <http://old.memo.ru/hr/discrim/meshi4/MTS%20in%20KK.HTM> L (13.01.2019).

<sup>14</sup> **Aydingün A., Harding C.B., Hoover M., Kuznetsov I., Swerdlov S.**, Meskhetian Turks. An Introduction to their History, Culture and Resettlement Experiences // *Culture Profile*, 2006, №20, p. 26.

<sup>15</sup> *Meskhetians or Meskhetian Turks -*

<https://minorityrights.org/minorities/meskhetians-or-meskhetian-turks/> (14.01.2019).

<sup>16</sup> **Мамаев М.И.**, Турки-месхетинцы в этнополитической ситуации Северного Кавказа: выход из кризисного состояния // *Известия Самарского научного центра Российской академии наук*, т. 12, 2010, №2, с. 287.

<sup>9</sup> **Усманов А.О.**, նշվ. աշխ., с. 161-162.

<sup>10</sup> **Симошенко В.А.**, նշվ. աշխ., с. 133.

Կովկասում ժողովրդագրական կտրուկ փոփոխություններից խուսափելու հետ:

### Մեսխեթի թուրքերի հարցը Ռուսաստանի և Վրաստանի հարաբերություններում

ԽՍՀՄ փլուզմանը հաջորդած տարիների ընթացքում մեսխեթի թուրքերի հայրենադարձության հարցը ՌԴ և Վրաստանի իշխանությունների միջև քննարկվեց տարբեր մակարդակներում: Սկզբում դա միջկառավարական հանձնաժողովների միջև բանակցությունների տեսք ուներ: Մինչ 2008թ. Վրաստանի և Ռուսաստանի միջև հակամարտությունը մեսխեթի թուրքերի հարցը այդ պետությունների ներկայացուցիչների կողմից քննարկվում էր առավելապես միջազգային կառույցների շրջանակներում:

Այս փուլում Ռուսաստանը հանդես էր գալիս մեսխեթի թուրքերի Վրաստանում վերականգնելու դիրքորոշմամբ, սակայն այդ ուղղությամբ նշանակալի քայլեր Վրաստանի հետ հարաբերություններում տեղի չունեցան: Միայն 2008թ. օգոստոսյան պատերազմից հետո Վրաստանի և Ռուսաստանի քաղաքական գործիչները սկսեցին հանդես գալ փոխադարձ մեղադրանքներով:

2008թ. հոկտեմբերին ՌԴ Պետական Դուրմայում ընդունված հայտարարության մեջ նշվում էր, որ մեսխեթի թուրքերի հայրենադարձության մասին օրենքը կրում է, հռչակագրի բնույթ և նրա նպատակն է ստեղծել խնդրի լուծման պատրանք<sup>17</sup>: Բացի այդ, ռուս քաղաքական գործիչները ԵԽԽՎ-ին և միջազգային հանրությանը կոչ արեցին ճնշում գործադրել Վրաստանի վրա և ստիպել նրանց կատարել մեսխեթի թուրքերի հայրենադարձության վերաբերյալ ստանձնած պարտավորությունները<sup>18</sup>: Հետագա տարիներին Ռուսաստանի այդ դիրքորոշումը մնաց անփոփոխ: Այս հարցում նման դիրքորոշում ունեն նաև Թուրքիան և Ադրբեջանը, որոնք շահագրգռված են մեսխեթի թուրքերին վերադարձնել բացառապես Մամցխե-Ջավախեթի շրջան, որպեսզի իրականացնեն իրենց աշխարհաքաղաքական

նպատակները<sup>19</sup>: Այս դեպքում նրանք իրենց տրամադրության տակ ևս մեկ ճնշման լծակ կունենան ազդելու ինչպես Թբիլիսիի, այնպես էլ Երևանի վրա, քանի որ Հայաստանն ամբողջովին շրջապատված կլինի թուրքալեզու բնակչությամբ: Մեսխեթի թուրքերի Վրաստան վերադարձի հարցում Ռուսաստանն ի տարբերություն Թուրքիայի և Ադրբեջանի առաջ չի քաշում նրանց Մամցխե-Ջավախեթիում բնակեցնելու պահանջը, ինչը Վրաստանի իշխանությունների համար համեմատաբար ավելի ընդունելի է:

Վրացական կողմը շտապեց մեղադրել ռուսական իշխանություններին մեսխեթի թուրքերի իրավունքների խախտման և նրանց հանդեպ խտրականության համար: Վրաստանում նաև կարծիք ձևավորվեց, որ պաշտոնական Մոսկվան հաճախ օգտագործում է մեսխեթի թուրքերի գործոնը, ավելի ճիշտ, ինչպես ասում են Թբիլիսիում «մեսխեթի» կամ «մահմեդական վրացիների» հարցը ի վնաս վրաց ժողովրդի շահերին<sup>20</sup>: Վրաստանում նաև պնդում էին, որ պաշտոնական Թբիլիսին դրսևորել է բարի կամք՝ համաձայնվելով ընդունելու մեսխեթի թուրքերին, չնայած որ ներգրավված չի եղել նրանց տեղահանման գործում: Դրա համար նրանք մեղադրում են ԽՍՀՄ իշխանություններին, հետևաբար, նրանց իրավահաջորդ ՌԴ-ն պետք է որոշակի պարտավորություններ ստանձնի մեսխեթի թուրքերի վերադարձի ֆինանսավորումն հարցում<sup>21</sup>:

Կողմերի նման դիրքորոշումը ընդհանուր առմամբ պահպանվեց նաև հետագա տարիներին: Այդ մասին է վկայում ՌԴ-ում գործող մեսխեթի թուրքերի «Վաթան» կազմակերպության ներկայացուցիչների ՌԴ նախագահ Վ. Պուտինին ուղղված իրենց իրավունքների վերականգնման որոշում ստորագրելու դիմու-

<sup>17</sup> **Оганесян А.**, Политика Турции и Грузии в отношении проблем турок-месхетинцев // Чашаբեղ գիտական հոդվածների ժողովածու, 2001, №3, էջ 171:

<sup>18</sup> ГД призвала надавить на Грузию в вопросе репатриации турок-месхетинцев - <https://ria.ru/20081017/153397643.html> (17.01.2019).

<sup>19</sup> **Գալոյան Վ.**, Մեսխեթի թուրքերի հիմնախնդիրը Թուրքիայի քաղաքականության համատեքստում // Регион и мир, том X, 2019, №3, с. 41-45; Арис Казинян: Грузия и американо-турецкий проект по возвращению турок-месхетинцев: история и реальность - <https://regnum.ru/news/671851.html> (17.01.2019).

<sup>20</sup> **Мамулия Г.**, Концепция государственной политики Грузии в отношении депортированных и репатриированных в Грузию месхов. История и современность - [https://www.ca-c.org/journal/cac-02-1999/st\\_19\\_mamulija.shtml](https://www.ca-c.org/journal/cac-02-1999/st_19_mamulija.shtml) (09.01.2019)

<sup>21</sup> Закон Грузии «О репатриации»: достоинства и недостатки - <http://newcaucasus.com/society/13095-zakon-gruzii-o-repatriatsii-dostoinstva.html> (18.01.2019).

մի<sup>22</sup> արձագանքը: Նախագահի աշխատակազմից ստացած պատասխանում նշվում էր, որ մեսխեթցի թուրքերը բռնաճնշումների են ենթարկվել «Վրաստանի ԽՍՀ իշխանությունների համապատասխան որոշումներով և Վրաստանի ԽՍՀ տարածքում», ուստի ՌԴ ներքին գործերի մարմինները չունեն համապատասխան իրավական հիմք տրամադրել իրավունքները վերականգնող փաստաթղթեր և խորհուրդ էր տրվում դիմել Վրաստանի իշխանություններին<sup>23</sup>: Վրաստանի խորհրդային կառավարությանը մեղադրելը, տվյալ պարագայում, կարելի է համարել անհիմն, քանի որ դժվար է պատկերացնել, թե ինչպես կարող էին միութենական հանրապետության կառավարության ներկայացուցիչները նման մասշտաբային ծրագիրն ինքնուրույն իրականացնել և Մոսկվայի հետ կապ չունենալ:

Ռուսաստանում մեսխեթցի թուրքերը, որպես կանոն, իրենց արտաքսման յուրաքանչյուր տարեդարձը նշում են հանրահավաքներով, որոնցում վրաց իշխանություններից պահանջում են կազմակերպել զանգվածային հայրենադարձություն Վրաստան<sup>24</sup>: Ռուսաստանը դեռևս պաշտպանում է այդ մոտեցումը, իսկ վրացի քաղաքական գործիչները փորձում են չշոշափել այդ հարցը: «Վրացական երազանք»-ի իշխանության գալուց հետո, Վրաստանի կառավարությունը պաշտոնական դիրքորոշում չի արտահայտել մեսխեթցի թուրքերի հիմնախնդրի նկատմամբ:

### Եզրակացություն

Վերոգրյալի հիման վրա կարելի է եզրակացնել, որ մեսխեթցի թուրքերի նկատմամբ Ռուսաստանի վարած քաղաքականությունը ԽՍՀՄ փլուզումից հետո էական փոփոխություններ չի կրել: ՌԴ-ում մեսխեթցի թուրքերը ի սկզբանե դիտարկվում էին որպես ժամանակավոր բնակիչներ և ակնկալում էին, որ նրանք կվերադառնան Վրաստան, կամ կմեկ-

նեն այլ երկրներ: Նման քաղաքականությունը հանգեցրեց ՌԴ հարավային շրջաններում միջէթնիկական լարվածության:

Վրաստանի հետ հարաբերություններում ի սկզբանե որոշ չափով քննարկվում էր մեսխեթցի թուրքերի հարցը, սակայն 2008թ. օգոստոսյան պատերազմից հետո այն ավելի շատ փոխադարձ մեղադրանքների առիթ դարձավ: Ըստ էության, Ռուսաստանի Դաշնության իշխանությունները փորձում են մեսխեթցի թուրքերի հարցը օգտագործել Վրաստանի վրա ճնշում գործադրելու համար: Սակայն, ի տարբերություն Թուրքիայի և Ադրբեջանի, ռուսական կողմը չի պահանջում նրանց վերադարձը բացառապես Սամցխե-Ջավախեթի տարածաշրջան:

Հարկ է նշել, որ Սամցխե-Ջավախեթիում մեսխեթցի թուրքերի զանգվածային վերադարձը Ղարաբաղյան հակամարտության, ինչպես նաև Անկարայի և Բաքվի կողմից կազմակերպած տրանսպորտային շրջափակման պայմաններում կարող է օգտագործվել նրանց կողմից՝ որպես Հայաստանի վրա աշխարհաքաղաքական ճնշման լրացուցիչ գործոն: Մեսխեթցի թուրքերի նկատմամբ Ռուսաստանի դիրքորոշումը թեև որոշ վտանգ պարունակում է Հայաստանի համար, սակայն վերաբնակեցման վայրի շուրջ սկզբունքային մոտեցման բացակայությունը չի հակասում հայ ժողովրդի շահերին:

### Օգտագործված գրականության և աղբյուրների ցանկ

1. **Գալոյան Վ.**, Մեսխեթցի թուրքերի հիմնախնդիրը Թուրքիայի քաղաքականության համատեքստում // Регион и мир, том X, 2019, №3.
2. **Aydingün A., Harding C.B., Hoover M., Kuznetsov I., Swerdlov S.**, Meskhetian Turks. An Introduction to their History, Culture and Resettlement Experiences // Culture Profile, 2006, №20.
3. Meskhetians or Meskhetian Turks - <https://minorityrights.org/minorities/meskhetians-or-meskhetian-turks/> (14.01.2019).
4. **Osipov A.**, Recent Developments Concerning the Meskhetian Turks in Krasnodar Krai. 2006-2007 // Humans Right Centre “Memorial”, Russia, 2007 - <http://old.memo.ru/hr/discrim/meshi4/MTS%20in%20KK.HTML> (13.01.2019).
5. **Swerdlov S.**, Reflections on Transitional Minorities and Human Rights Meskhetians and Hemshins in Georgia and Krasnodar // Anthropology, Minorities, Multiculturalism, Krasnodar, 2004, №5.
6. Арис Казинян: Грузия и американо-турецкий проект по возвращению турок-месхетинцев:

<sup>22</sup> **Хизриева Г. А.**, Турки – месхетинцы просят президента Путина о реабилитации - <https://riss.ru/analytics/9354/> (22.03.2019); **Мамедов А.**, С реабилитацией ахыска восторжествует историческая справедливость: взгляд из Баку - <http://www.kavkazoved.info/news/2015/02/19/s-reabilitaciej-ahyska-vostorzhestvuet-istoricheskaja-spravedlivost-vzglyad-iz-baku.html> (22.03.2019).

<sup>23</sup> **Усманов А.О.**, նշվ. աշխ., с. 164.

<sup>24</sup> Турки-Месхетинцы в годовщину депортации потребовали реабилитации своего народа - <https://www.kavkaz-uzel.eu/articles/312488/> (19.01.2019).

- история и реальность - <https://regnum.ru/news/671851.html> (17.01.2019).
7. **Бугай Н.Ф.**, Турки из Месхетии: долгий путь к реабилитации (1944–1994). Москва, Изд. дом «РОСС», 1994.
  8. **Гаджиев А.**, Ахалцихские турки: история, этнография, фольклор // ИРС Наследие, 2007, №2 (26).
  9. ГД призвала надавить на Грузию в вопросе репатриации турок-месхетинцев - <https://gia.ru/20081017/153397643.html> (17.01.2019).
  10. Закон Грузии «О репатриации»: достоинства и недостатки - <http://newcaucasus.com/society/13095-zakon-gruzii-o-repatriatsii-dostoinstva.html> (18.01.2019).
  11. Закон РСФСР «О реабилитации репрессированных народов» - [http://pravo.gov.ru/proxy/ips/?docbody=&link\\_id=15&nd=102011245](http://pravo.gov.ru/proxy/ips/?docbody=&link_id=15&nd=102011245) (20.03.2019).
  12. Закон РФ «О реабилитации жертв политических репрессий» - <http://pravo.gov.ru/proxy/ips/?docbody=&nd=102012774> (20.03.2019).
  13. **Мамаев М.И.**, Турки-месхетинцы в этнополитической ситуации Северного Кавказа: выход из кризисного состояния // Известия Самарского научного центра Российской академии наук, т. 12, 2010, №2, с. 287.
  14. **Мамедов А.**, С реабилитацией ахыска восторжествует историческая справедливость: взгляд из Баку - <http://www.kavkazoved.info/news/2015/02/19/s-reabilitaciej-ahyska-vostorzhestvuet-istoricheskaja-spravedlivost-vzglyad-iz-baku.html> (22.03.2019).
  15. **Мамулия Г.**, Концепция государственной политики Грузии в отношении депортированных и репатриированных в Грузию месхов. История и современность - [https://www.ca-c.org/journal/cac-02-1999/st\\_19\\_mamulija.shtml](https://www.ca-c.org/journal/cac-02-1999/st_19_mamulija.shtml) (09.01.2019).
  16. **Оганесян А.**, Политика Турции и Грузии в отношении проблем турок-месхетинцев // *Շահմեղ գիտական հոդվածների ժողովածու*, 2001, 3.
  17. **Осипов А.Г.**, Ферганские события: конструирование этнического конфликта - <http://igpi.ru/info/people/osipov/1172304934.html>
  18. **Симоненко В.А.**, Месхетинские турки: историческая судьба и проблемы культурной адаптации, дис. канд. ист. наук., Краснодар, 2002.
  19. Турки-Месхетинцы в годовщину депортации потребовали реабилитации своего народа - <https://www.kavkaz-uzel.eu/articles/312488/> (19.01.2019).
  20. **Усманов А.О.**, К вопросу о конституционно-правовой реабилитации месхетинских турок: политико-правовой аспект, Гуманитарные и юридические исследования, 2017, №3.
  21. Хизриева Г. А., Турки – месхетинцы просят президента Путина о реабилитации - <https://riss.ru/analytics/9354/> (22.03.2019).
  22. დეპორტირებული მესხები: ფერგანამდე და უკან - <http://www.tabula.ge/ge/story/54490-deportirebuli-mesxebi-ferganamde-da-ukan> (12.01.2019).